

## Ulimwengu Huu Uwanja wa Mapambano

*Tukimtaazama Yesu ... ambaye kwa ajili ya furaha iliyowekwa mbele yake aliustahimili msalaba na kuidharau aibu, naye ameketi mkono wa kuume wa kiti cha enzi cha Mungu—*  
**Waebrania 12:2.**

**K**wa ajili ya furaha iliyowekwa mbele Yake, Bwana Yesu aliustahimili msalaba.... Alikufa msalabani na kuwa kafara kwa ajili ya ulimwengu na kupitia kwa kafara hii Baraka kubwa zaidi inakuja ambayo Mungu amewahi kuitoa—zawadi ya Roho Mtakatifu. Baraka hii ni kwa ajili ya wote ambao watampokea Yesu. Ulimwengu ulioanguka ni uwanja wa mapambano kwa pambano kuu zaidi ambalo ulimwengu wa mbinguni na mamlaka za dunia zimewahi kushuhudia.

Uliwekwa rasmi kuwa uwanja wa maonesho ambapo lingepiganiwa pambano kuu kati ya wema na uovu, kati ya mbingu na kuzimu. Kila mwanadamu ana sehemu ya kufanya katika pambano hili. Hakuna hata mmoja atakayesimama katikati. Ni ama wanadamu wampokee au wamkatae Mkombozi wa ulimwengu. Wote ni mashahidi, ama kwa ajili ya Yesu au kinyume Chake. Yesu anawaita wale ambao wanasimama chini ya bendera Yake kujihusisha kwenye pambano pamoja na Yeye kama askari waaminifu, ili waweze kuirithi taji ya uzima. Wameasiliwa kama wana na binti za Mungu....

Bwana Yesu ameuia ulimwengu kusikiliza. “Mwenye masikio, na asikie.” Hebu wote wasikilize kwa utifu na usikivu wa kicho. Anarudia maneno Aliyopewa na Yule aliyesema, “Huyu ni Mwanangu mpendwa wangu.... msikieni Yeye.” Ni nani anayeyasikiliza maneno ambayo ni nuru na uzima kwa wote wayapokeao? Je! Wanaume na wanawake watazingatia jinsi Mungu anavyowajali viumbe Aliowaumba? Aliumba akili ya mwanadamu. Hatuwezi kufikiri wazo hata moja adilifu ambalo halitoki Kwake. Anajua utendaji wote wa ajabu wa akili ya mwandamu, kwa maana je, hakuiumba? Mungu anaona jinsi ambavyo dhambi ilishusha hadhi na heshima ya mwanadamu, lakini anamwangelia kwa masikitiko na huruma; kwa maana anaona kwamba Shetani amemshikilia katika utawala wake....

Baadhi ya watu wana kanisa dogo nyumbani kwao. Upendano hufunga mioyo yao pamoja, na umoja uliopo kati ya wana familia huhubiri mahubiri yenye matokeo makubwa ambayo yangeweza kuhubiriwa juu ya ucha Mungu wa kivitendo. Kadiri wazazi wafanyavyo wajibu wao katika familia, kuzuia, kurekebisha, kushauri, kuusia na kuongoza, baba kama kuhani wa nyumba na mama kama mmishenari wa nyumbani, wanajaza ombwe ambalo Mungu angewataka kulizaja.

Kwa kufanya jukumu lao kwa uaminifu nyumbani, wanazidisha mawakala kwa ajili ya kufanya mema nje na nyumbani. Wanafanywa kuwa bora kufaa kwa ajili ya kufanya kazi kanisani. Kwa kulifundisha kundi lao dogo kwa busara, wakiwaunganisha watoto wao kwao wenyewe na kwa Mungu, wakina baba na wakina mama wanakuwa watendakazi pamoja na Mungu. Msalaba wa Yesu unasimikwa nyumbani kwao. Wanafamilia wanakuwa washirika wa familia ya kifalme mbinguni, watoto wa Mfalme wa mbinguni (**Manuscript 56, 1899**).